

佛說諸法本經

具月支優婆塞支謙譯

聞如是一時佛在舍衛國祇樹給孤獨園佛告諸比丘聽吾說諸法本對曰唯然世尊曰若有外道異學有來問者何謂法本當答言

欲爲諸法本何謂習更爲習何謂同趣痛爲同趣何謂致有念爲致有何謂明道思惟爲明道何謂第一三昧爲第一何謂最上智慧爲最上何謂牢固解脫爲牢固何謂畢竟泥洹爲畢竟如是諸比丘欲爲諸法本更爲諸

第十

十六

法習痛爲諸法同趣念爲諸法致有思惟爲諸法明道三昧爲諸法第一智慧爲諸法最上解脫爲諸法牢固泥洹爲諸法畢竟諸比丘當學是常當有去家之想念非常想念非常苦想念苦非身想念穢食想念不淨想念

無忘想念一切世間無樂想念知世間邪正想念則世間有無想念世間所習所取歡樂變失及其歸趣當如事以正見知之諸比丘念是爲斷愛棄欲入正慧得苦際佛說經已皆歡喜受行

佛說諸法本經